

no. 6  
LE PROIECT DES

# PRINCIPAVX

ARTICLES DE LA  
PAIX.

ET

LE CHOIX DV LIEV

*designé pour la tenuë des pro-  
chains Estats.*



A PARIS,

POUR GILBERT LE VEAV ioignant  
la Court d'Albret derriere S.  
Hillaire.

---

M. D C. XIV.

AVEC PERMISSION.


LES ÉCRIVAINS DES

PARLEMENTS

de l'Université de Paris

not  
Catholique

CHOLY EN L'IN



A PARIS

chez GILBERT LE VAVASSEUR  
Comptable d'Alais  
Hôtel de la Ville

M. D. C. XIV.

DE LA BIBLIOTHEQUE

LE PROIECT DES  
**PRINCIPAUX**  
 ARTICLES DE LA  
 PAIX.

ET

LE CHOIX DV LIEV

*designé pour la tenue des pro  
 chains Estois.*

**S** Il nous auions douté iusqu'à ceste  
 heure du soin que DIEV, protecteur  
 des iustes Monarchies, a de cette cy,  
 garantie depuis douze cens ans, de  
 tant de dangers par sa main puissan-  
 te, la nouuelle de ce qu'on est allé arrester pour le  
 bien & repos public, à Soissons, nous en est vn  
 si clair, si certain & si manifeste, resmoignage, que  
 nous ne pouuons nous défendre du reproche, ou  
 de stupidité, si nous ne le cognoissons, ou d'ingra-  
 titude si nous ne l'en remercions. L'esloignement  
 de Monsieur le Prince, & des autres qui le suiui-  
 rent à son depart, auoit, contre leur gré mesme,  
 attiré tant de gens de guerre autour d'eux à Me-  
 zieres, leur premiere retraite, qu'un chacun de  
 nous ne considerant pas tant ce que doiuent faire  
 ceux qui ont l'honneur de nāt les yeuxt, que ce que



peuvent ceux qui ont la force en la main, n'attendoit de iour à autre quel éclat de quelque émotion & diuision intestine. Car bien qu'il ne faille soupçonner légèrement rien de mauuais, de personnes come eux, qui pour toutes sortes de considerations ont le plus d'intérêt à la manutention & gloire de ceste Couronne, si n'y auoit-il pas peu à craindre, que, comme les mauuais esprits se meslent quelquesfois parmy les orages & tourbillons del'air, pour faire quelque dégast & ravage, il ne se trouuast aussi quelques mutins & factieux parmy nous, qui se glissant dans leurs conseils, ne les poussassent insensiblement à quelque violente & dangereuse entreprise. Il n'y a iamais en vn grand & populeux Estat, comme celuy-cy, faute de gens que l'impatience du repos public, l'inquietude d'une conscience cauterilee, la pesanteur des incommoditez domestiques, & choses semblables tiennent incessamment aux escoutes, n'espians que l'occasion de quelque changement, pour se jeter aux champs, & faire profit, ils peüent, des ruines & calamitez de leur patrie. Car ils sont trop foibles d'eux mesmes, il leur faut, comme aux plantes de Lierre, quelque puissant appuy pour les esleuer & soutenir. Ils pensoient l'auoir trouué en la retraicte & en l'autorité du premiet Prince du Sang, telle qu'un chacun scait en ce Royaume, & comme on croit d'ordinaire fort aisément ce qu'on desire, se figuroient que son mécontentement estoit le fondement de leurs funestes & damnable desseins. Et desia ils commençoient d'aiguiser leurs

courages & leurs espees de l'esperance d'une guerre civile, de laquelle ils fomentoient par toutes sortes d'artifices les semences entre ceux que le malheur de la France auoit diuisez. De sorte qu'il n'a pas tenu à ces boute feux-là que ces premieres bluertes ne se soient embrasees en vne grande & ouuerte diuision. Mais celuy qui tient en ses mains les cœurs des Grands, & par secrettes inspirations les tourne, selon qu'il luy semble necessaire, où il veut, a tellement touché ceux de l'autorité desquels dépendoit icy bas la resolution de ceste affaire, que preferants l'interest public au particulier, ils ont composé doucement toutes choses, & par vne prompte & entiere reconciliation, affermy la paix & tranquillité publique, au contentement des gens de bien. Car Monsieur le Prince craignant avec raison, que son absence trop longue mal interpretee par quelques vns, n'ouurist contre son intention le chemin à quelque dangereuse faction dans l'Estat, au preiudice du Roy & de son peuple, s'est sagement resolu, & à son exemple ceux qui s'estoient joints avec luy, de leuer par son retour aupres de leurs Majestez, les ombrages & defiances que son esloignement formoit. En quoy on ne peut assez louer sa prudence & moderation; marques certes beaucoup plus asseurees de son affection au bien public, que les niueaux d'or & d'argent donnez par le Duc de Bourgogne pour dessert à ses amis en vn magnifique & solemnel festin, comme arres du desir qu'il auoit de bien redresser & compasser les affaires du Royaume non moins indisposé pour



lors que le Roy. Car la suite de ses violents déportemens fit assez cognoistre que ceste reformation dont il faisoit tât de parade par tout, n'estoit qu'un piege couuert pour y faire tomber sous specieux pretextes les vns apres les autres, ceux qui trauersoient les desseins, & remplir leurs places de personnes à sa deuotion, comme il fit à Montagu Grand maistre. Ruze cōmune en tous siecles, à ceux qui ont voulu se vanger couuertement de leurs ennemis, ou establir leurs affaires particulieres dans la bien-vueillance populaire. Ainsi que sont accusez dans nos histoires d'auoir fait autresfois sous Charles VII. les Comtes de Clermont & de la Marche Princes du Sang, le Connestable de Richemont, & quelques autres Officiers de la Couronne, pour se défaire, comme ils auoient desia fait de Giac & du Camus de Baurjeu, de deux ou trois, auxquels ils imputoient à crime la faueur & bonne grace du Roy, du nom & de l'autorité duquel ils les accusoient d'abuser au prejudice & deniement du pauvre peuple. On sçait quel fut le pretexte de la Praguerie onze ou douze ans apres, & quel le sujet, & depuis, de l'alliance faite en l'assemblée de Neuers, entre les Ducs de Bourgongne, de Bretagne, d'Alençon, & le Comte de Vendosme, qui marris de n'estre tenus aux degrez qu'ils croyoient leur appartenir, de n'estre appelez & suiuis aux Cōseils, honorez & respectez en leurs chargez, soulagez en leurs terres, payez de leurs pensios, sous couleur de poursuiure le reglement de la Iustice & le soulagement du peuple, contraignirent le Roy,

assez empesché d'ailleurs contre l'Anglois , de leur accorder à chacun en particulier ce qu'ils demandoient. Autant en firent sous Louys XI. son successeur , ceux que le regret & despit de se voir postposez à certaines personnes de peu esleuees aux premiers rangs , vnit sous la couuerture du bien public pour la manutention de leurs dignitez , que le traicté de Conflans verifia deux ans apres auoir esté le vray & vniue but de toute ceste grande equippee. Car apres auoir leurré le peuple du lustre de ceste autant vantée que souhaitée reformation , ils conuertirent toutes ces belles & plausibles promesses , en vtils & honorables appointemens , que l'histoire marque par le menu. Le Duc de Berry frere du Roy à qui on auoit fait porter la marotte , adiousta la Duché de Normandie à son appanage , qu'il trouuoit trop petit. Le Duc de Bourbon reçut le payement entier de son mariage. Le Duc de Bretagne recouura sa Comté de Montfort. Le Duc de Calabre eut promesse d'estre assisté d'hommes & d'argent au recouurement du Royaume de Naples. Le Comte de S. Paul eut l'office de Connestable ; le Comte de Dunois & les autres furent remis aux charges & dignitez qu'ils auoient tenues sous Charles septiesme. Du bien du peuple , du reglement des affaires , pas vn seul mot , non plus que des douze tables , ou de la destruction de Troye. Ce que nous rapportons particulierement , non tant pour fester la memoire de ces grands Princes là d'aucun reproche , que pour instruire les peuples à n'ouirir que sous bonnes enseignes



l'oreille aux promesses & sermons de ceux qui ayants la reformation publique en la bouche, n'ont le plus souuent rien moins en l'ame que le desir de la promouuoir & de l'aduancer. Blasme dont on ne peut sans calomnie charger ceux qu'il appert par l'issue n'auoir suivant les protestations qu'ils en ont faictes depuis le commencement, esté meus en cecy que d'un zele un peu trop ardent possible, mais autrement loüable du bien public, despoüillé de toutes considérations particulieres. Car, bien que les faulx impressions qu'on leur auoit données de la mauuaise affection de quelques vns des principaux Officiers & plus confidens seruiteurs de leurs Majestez en leur endroit, les ayent excitez à s'en plaindre, si est-ce que la passion n'a pas eu tant de force sur eux, que le respect du Souuerain n'en ait eu encore d'auantage, pour les empêcher d'entreprendre rien sur ceux dont ils n'approuuoient pas les déportemens. Ils se sont possible éclaircis depuis à loisir de la verité. Et pour les quatre cens cinquante mil elcus qu'on leur dōne, ce n'est que pour leurs fraiz & leurs mises, ny Amboise, que pour assurance seulement, iusqu'à la prochaine assemblee de Sens; lieu choisi par eux entre trois qui leur ont esté presentez, pour y venir sous la protection du Roy qui y sera present, contribuer leurs aduis & conseils salutaires, au reglement & retablissement du Royaume. Lenitif comme le plus prompt, aussi le plus conuenable à nos maux. Car le miel pour estre doux, ne laisse pas d'estre deterfif. S'il y a quelques abus en l'administration



tion de la Justice, en la direction des Finances, &  
 generalement en la conduite des affaires, com-  
 me nous sommes, à nostre grand regret, con-  
 traints de recognoistre que la longueur du temps  
 & la corruption vniuerselle des mœurs en a in-  
 troduit beaucoup en tous les Ordres de cest Estat,  
 d'où en pouuons nous attendre vn meilleur &  
 plus certain remede que de la sagesse, prudence  
 & integrité de tant de grands personnages dont  
 sera composée ceste belle & illustre compagnie.  
 L'exemple de nos ancestres, qui s'en sont en pa-  
 reilles occurréces autresfois si bien trouuez, nous  
 est vn gage du fruiet qui nous en reuiédra, si no us  
 sommes si sages de nous y disposer serieusement,  
 comme il faut. Nous esperons que la France en  
 amendera de quelque chose, & que ceste Confe-  
 rence ne luy sera point inutile. Que si le malheur  
 portoit que nous fussions priuez de ce bien par  
 la mauuaise intelligence des vns & des autres, ie  
 diray hardiment ce que j'en pense, en vain nous  
 promettons nous de le receuoir d'ailleurs. C'en  
 est fait pour long temps. Car de penser d'y venir  
 par la guerre, hélas! y auroit-il bien encore par-  
 my nous des gens si depourueus de raison qu'ils  
 se laissent persuader que ce fust vn chemin de  
 reformation? Qu'on nous en marque, qu'on nous  
 en monstre vn seul exemple dans toute l'antiqui-  
 té. Ie m'asseure que qui s'en rapporteroit aux ha-  
 bitans de Soissons, & aux paisans de Champagne,  
 n'approuueroit iamais ceste violente procedure.  
 Car quelque ordre qu'y ayet sceu apporter ceux,  
 qui pour establir en la creance populaire l'opi-

nion qu'ils vouloient qu'on eust de leur affection au public, auoient grand intérêt à reprimer la licence & l'insolence des gens de guerre, principalement deuât qu'aucun acte ouuert d'hostilité leur eust lasché la bride, si n'ont ils sceu si bien faire, qu'ils n'ayent laissé es lieux par où ils ont passé, de tres-mauuaises impressions de leur discipline, avec les marques de leur audace & auarice. Les plaintes en sont venues iusques icy. Qu'on conjecture vn peu de là ce qu'ils eussent fait en l'ardeur d'un assaut ou d'une bataille? Ce ne sont que pillages, que rançonnemens, qu'incendies, que meurtres, que carnages sanglants & hideux. La pensée seule en est effroyable, à quiconque n'a depouillé entierement le sentiment humain. Ce fut vne parole vraiment loüable & digne d'un sage Prince, que celle du Duc de Berry, chef de ceste ligue du bien public, dōt nous auōs parlé cy deuât, qui ayant rencontré par la ville sept ou huit cens personnes blessez, *Hâ!* (dit-il en plein Conseil) *que j'aymerois beaucoup mieux que ceste guerre n'eust point commencē que de m'acquérir plus de richesses & de grandeurs au prix de tant de sang!* Nous cognoissons tous Monsieur le Prince, pour estre d'un si doux & si benin naturel que s'il se represētoit auſſi viuement les malheurs & desolations d'une guerre ciuile, comme peuuent faire ceux qui l'ont autres fois veüe, il aymeroit mieux souffrir toutes choses, que de signaler les premices de ses armes par la ruyne & calamité de la patrie. Il n'ya que ceux qui n'en ont iamais gousté, ausquels (comme dit l'ancien prouerbe Grec) elle semble douce. S'il y a en de-



puis cent ans en France, homme qui en peust parler, c'estoit le feu Admiral de Chastillon, qui ayant appris par vne longue & penible experience que c'est d'estre chef de party, respondit à celuy qui quelques iours auant sa mort luy conseilloit de se retirer tout blessé qu'il estoit hors de Paris, qu'il n'en pouuoit sortir sans rentrer en la guerre, & qu'il aymoit cent fois mieux mourir que d'y retourner. Son illuc mesme peut monstrier combien il est d'agereux de former vn nouveau party dans l'Estat, quelque fondement, quelque lustre qu'on luy sçache donner. Car il n'y a rien que les Souuerains oublient si mal-aisément que les rebellions de leurs subiects. Ils n'appellent point autrement toutes entreprises faictes sans leur aduueu. L'arrest prononcé à Noyon & executé à Paris contre Jacques d'Armagnac, Duc de Nemours & l'inscription mise par le commandement de Louys XI. sur le tombeau de Guillaume Chartier Euesque de Paris, tesmoignent ce que disent nos historiens, qu'il eut tousiours l'esprit bandé à l'extermination des partisans du bien public. Il ne perdit iamais le desir de s'en venger. Sagemēt doncques ont faict ceux qui rentrans promptement au chemin duquel le despit de voit les affaires ne prendre pas le train qu'ils desiroient, les auoit esloignés, ont euité outre les incommodités & fatigues ordinaires de la guerre, l'indignation de celuy, des bonnes graces duquel dépend tout l'accroissement & bon-heur de leur fortune. Le Roy est le Soleil qui les esclaire, qui les viuifie, & qui à proprement parler, les faict ce qu'ils

sont. Ils sçauent ce qu'ils luy doiuent & ce qu'ils en peuuent esperer, si se contenans dans les bornes de l'obeissance & de la fidelité, ils se rendent dignes de ses biens-faits & faueurs. Lesquelles sa Majesté ne departira iamais plus volontiers qu'à ceux dont il se souuiendra auoir esté mieux assisté durât sa minorité. Il est des-jà fort proche de l'âge auquel la loy du Royaume a accoustumé de mettre entre les mains du Souuerain le gouuernail de l'Estat. Lors il pourra disposer absolument de toutes choses & dire, il me plaist. Sa volonté réglée par la seule crainte de Dieu, sera la loy de ses subjects de toutes conditions & qualités. Nul ne s'y pourra opposer sans crime. La premiere chose qu'on attend de luy en ce temps là, est la resolution sur la surceance de ces alliances d'Espagne. L'affaire est de poids & d'importance, on luy en fera de rechef entendre les motifs & les raisons d'un costé, il les pesera; On luy représentera de l'autre les considerations de ceux qui ne les approuuent pas, il les escontera: ce qu'il trouuera le meilleur, se fera. Certes si c'est à des gēs d'entre le peuple cōme moy, de porter leur balotte en la deliberatiō de choses si hautes, ie ne pèse point qu'on le puisse demouuoir de l'opinion qu'il en a eue iusqu'à cest heure. Il n'en changera point. Pourquoy le feroit il? Les Espagnols sont nos ennemis disent quelques vns: ils l'ont esté de vray, n'y a pas long-temps, mais iamais tant que les Anglois. Car le Duc de Feria ny Mendozze n'ont pas fait la moitié du mal en France qu'y auoient fait autres fois le Duc de Bethfort & Talbot. Neant moins




nous ne les reiettons point. Mais ie veux qu'ils ayent fait deux fois pis, est-ce à dire pour cela que le traicté de Veruins soit honteux, ou preiudiciable à la France? Car ie ne voy point de raison qui deffende de faire mariages avec ceux avec lesquels on a fait la paix. Vouloir rendre les haines immortelles n'est certes point vne maxime ny Chréstiennne ny politique. Combien de nations ont terminé de longues & opiniaftres querelles par semblables expedients? La nostre les a autresfois fort vrilement pratiqués. I'en obmets les exemples, vn chacun les sçait. Sont-ce Mammelus ou Margajats, avec lesquels nous n'ayons iamais eu auparauant aucune accointance, aucun commerce? Qui ne sçait l'ancienne & estroite confederation des Roys & Royaumes de France & de Castille, obligez meismes sous grandes maledictions à l'entretienir, comme ils ont fait fort long temps, sans aucune noise ou contention, iusques à l'entreueüe malheureuse de nostre Loys & de Henry à Bayonne? Pourquoi n'espererions nous de la renouer par le double lien de ces mariages aussi serrément que iamais? Car pour ceux qui craignent, que ces alliances ne soient des estraintes, semblables à celles dont les Chirurgiens serrent le bras au dessus de la veine qu'ils veulent ouurir, pour mieux saigner la France, ils ne monstrent pas tant en cela leur preuoyâce que leur timidité. Sommes nous moins sages ou moins puissans que sous Charles IX. ? Il n'ya pas encore si long temps: Si ce n'est parauanture qu'on estime que nous nous endormions sur le

vin de ces nopces, & que sur la foy de ces nouveaux contracts on dégarnisse les frontieres de Picardie, ou les ports de Prouence, pour soulager les finances du Roy. Il n'y a point d'apparence en cela. Ce sont vaines imaginations & terreurs Paniques de gens, qui pour la pluspart apprehendent plus l'Inquisition d'Espagne, qu'ils n'aiment la grandeur & tranquillité de la France. Si l'ambition & le desir de s'estendre leur a fait autresfois entreprendre sur nous, l'experience qui leur en coûte cher, leur a assez appris, qu'il n'y a rien à gagner de ce costé-cy pour eux. Ils ont autant, voire peut estre plus de besoin de nous, que nous n'auons d'eux: Ils seront soigneux de conseruer & entretenir nostre amitié. Pour le moins le doiuent-ils estre, s'ils sont aussi sages & aduisez que nous les estimons. C'est pourquoy il ne faut rien craindre pour ce regard: En tout cas, soyons seulement tels que nous voulons qu'on nous croye, nous les verrons venir: toutes leurs menées, toutes leurs pratiques n'esbranleront iamais le repos public, si vivants en la bone vnion & intelligéce que nous deuons, nous nous contenons dans les bornes de l'obeyssance & de la fidelité. Il ne tiendra qu'à nous. Mal-heur à quiconques s'en escartera dorénuant pour quelque cause & pretexte que ce soit. Conuertissons donc par vne vraye & entiere reconciliation vnanimement nos esprits à la manutention de ceste paix, qui acquise à la France par la valeur admirable de HENRY de GRAND, luy est maintenant conseruée par la prudence de ceste grande Princesse, consti-



tuée auioird'huy sur nous au gouuernement  
 del'Estat. Ceux qui sçauent la façon dont sa Ma-  
 iesté s'est comportée depuis le commencement  
 de ces affaires iusqu'à ceste heure, la diligence  
 dont elle à vsé pour mettre sur ceste occurrence  
 ordre à toutes choses tant dehors que dedans le  
 Royaume, & la peine qu'elle y a prise, ne peuuent  
 nier sans tres-grande ingratitude, voire mesmes  
 sans felonie, que nous ne luy en ayons tous, tant  
 que nous sommes, vne singuliere obligation. Il  
 faut que nous le recognoissions, que nous l'atte-  
 stions. Nous le recognoistrans, nous l'attesterōs.  
 Et quand nous ne le ferioſ pas, la posterité à qui  
 l'histoire doit le fidele recit de ce qui se passe, en  
 nous reprochant nostre silence, en rendroit  
 quelque iour à sa memoire le tesmoi-  
 gnage honorable, que meritent  
 ses heroïques & incom-  
 parables vertus.

F I N.



l'ame s'adonne à luy sur l'ame au commencement  
 de l'Esprit. C'est d'icelle que l'ame s'adonne à luy  
 l'Esprit s'adonne à luy. C'est d'icelle que l'ame  
 de ces choses s'adonne à luy. C'est d'icelle que  
 dont elle s'adonne à luy. C'est d'icelle que  
 ordre à luy. C'est d'icelle que l'ame s'adonne à luy  
 Royauté & la puissance. C'est d'icelle que l'ame  
 n'est pas une grande puissance. C'est d'icelle que  
 sans l'Esprit, que l'ame s'adonne à luy. C'est d'icelle  
 que l'ame s'adonne à luy. C'est d'icelle que l'ame  
 fait que l'ame s'adonne à luy. C'est d'icelle que  
 l'Esprit. C'est d'icelle que l'ame s'adonne à luy.  
 Et quand nous ne le faisons pas, la puissance à luy  
 l'Esprit de l'Esprit de l'Esprit de l'Esprit de l'Esprit  
 nous s'adonne à luy. C'est d'icelle que l'ame  
 que l'Esprit de l'Esprit de l'Esprit de l'Esprit de l'Esprit  
 grande honneur, que l'Esprit de l'Esprit de l'Esprit  
 les héros & les hommes.  
 paisibles vertus.

